



Muhammad Miqdam (dua dari kiri) bersama Dr Hishamuddin dan rakan lain menunjukkan replika cek yang dimenangi pasukannya.

Oleh **Khairunnisa Kamarudin**
nisa.kamarudin@bh.com.my

► Kuala Lumpur

EZ PAY

bantu urus hutang

Masalah hutang kad kredit dan kegagalan membayar balik pinjaman antara penyebab lebih 5,000 orang di negara ini diisytiharkan muflis tahun ini.

Prihatin terhadap permasalahan itu, sekumpulan mahasiswa Fakulti Sains dan Teknologi, Universiti Sains Islam Malaysia (USIM) mencipta perisian aplikasi android yang berpotensi membantu menyelesaikan masalah peribadi rakyat Malay-

sia dalam menguruskan hutang kad kredit.

Ketua kumpulan, Muhammad Miqdam Mohd Rashid, 22, berkata perisian dikenali sebagai EZ Pay Version 1.1 itu mengandungi empat fungsi dalam satu.

“Selain sistem pengurusan kad kredit milik peribadi, produk ini dilengkapi fungsi kalkulator baharu bagi mengira hutang kad kredit menggunakan kaedah ‘Easy Payment Plan’ (EPP).

“Kaedah EPP merupakan kaedah pembayaran yang dianjurkan oleh Bank Negara Malaysia (BNM) dalam menangani masalah hutang kad kredit antara penghutang dan pemiutang (bank),” katanya.

Harga murah

Beliau berkata, produk itu juga berpotensi dipasarkan pada harga yang sangat murah dan turut disyorkan kepada Agensi Kaunseling dan Pengurusan Kredit

“**EPP MERUPAKAN KAEDAH PEMBAYARAN YANG DIANJURKAN OLEH BNM DALAM MENANGANI MASALAH HUTANG KAD KREDIT ANTARA PENGHTUTANG DAN PEMIUTANG**”

Muhammad Miqdam Mohd Rashid,
Ketua kumpulan

(AKPK) sebagai agensi perundingan awam kad kredit.

Lebih membanggakan, inovasi itu turut mendapat pengiktirafan dan anugerah cemerlang di beberapa pameran serta pertandingan inovasi tempatan dan antarabangsa.

Antaranya, pingat gangsa pada Novel Research & Innovation Competition (NRIC) 2014, pingat emas dan hadiah utama Inovasi Islam pada The Exposition on Islamic Innovation (i-INOVA) 2014 dan pingat emas pada Pameran RekaCipta, Inovasi dan Teknologi Antarabangsa (ITEX) 2015.

Selain Muhammad Miqdam, inovasi itu turut dibangunkan bersama-sama Ahmad Shakir

FAKTA NOMBOR

27
wakil

Institusi pengajian tinggi awam, Kementerian Pelajaran dan agensi kerajaan

Ahmad Zulkifli, Muhammad Nor Amin Jamaluddin, Muhammad Nasrallah Abu Bakar, Rabiah al-Adawiyah Zabidi, Nur Laila Mohd Arif dan penasihat, Dr Hishamuddin Abd Wahab.